

痢

疾

論

人生疾病之最險惡者一曰瘟疫一曰痢疾吳又可先生
作瘟疫論顛開千古之蒙翳顯示後學之津梁予已歷寒
暑而評定之矣而痢疾之言熱言寒互相詆誅若洛黨蜀
黨之各樹其幟迄今鮮有定論夫百病皆有虛實寒熱溫
涼補瀉之不同痢疾何獨不然乎自河間升溪單主濕熱
立論後賢非之是矣然而矯枉者多失其正今人以熱治
熱者亦復不少若是者皆由言理未暢辨議未確故溫涼
補瀉之混其施耳予不敏編輯痢症一書首註內經仲景
次列歷代諸家雖或援引古訓而多出自心裁大約論理
惟取條暢辨症必尙明確法集諸家之大成脈補前人之

未備。痢之一道。其庶幾乎。雖然自古迄今。言痢症者不下數十家。豈無見予言而信爲然者。及見偏說。又不免依文解義。而莫辨其非者乎。程子云。道之不明。異端害之也。闢之而後。可與入道。惟醫亦然。偏僻之說。不息。純全之理。不著。固不得。蕭猶同居。玉石並貴也。於是取諸家論說。凡涉一偏一隅之見者。卽在原文之下。詳加辨駁。後學者一見而悉其非。甫讀而知其謬。而游移遷徙。依違兩可之弊。不得而恭焉。至若予說之過于刻。嚴而未當者。則又自有公論。而亦予之所深望者也。編輯就分爲四卷。而總名之曰痢疾論。蓋欲與吳又可先生瘟疫論並傳于世。以救生

民之險惡其於斯道也不無小補也云爾時乾隆十六年
辛未仲春新城賢溪孔毓禮以立序

序

陳君愷齊既俾任校訂孔末以立評註吳又可先生瘟疫
論付刻任因謂疾病之危急疫證而外莫過于痢症其治
則傳染與疫證同其治之失宜殺人如反掌亦與疫證同
而古今方書少有專論此證者孔丈會著痢疾論四卷精
心考覈詮疏明哲恭治斯證者之寶筏也陳君卽命任錄
出與瘟疫論合而梓之其仁民愛物之心可謂摯哉而孔
丈亦自此可垂不朽矣任不揣謏陋敬書此以識其由

乾隆三十七年季冬月同里後學楊大任謹序

痢疾論目錄

卷之一

內經補註 仲景補註 折衷諸家

卷之二

統論五首

論痢原 論諸色 論陽氣 論濕熱 論脾腎

辨證七條

辨似痢非痢 辨色 辨虛實寒熱

辨純熱純實 辨純虛純寒

辨虛實寒熱錯雜 辨虛實寒熱不甚

治法十三則

和血調氣 發散 攻下 表裏兩解

清熱導滯 溫補 升補 初中末

固滯 暫寬法 草藥丸散

痢症重輕不專看穢積多少 誤治變證

卷之三

諸證二十八門

噤口 發熱 發厥 腹痛 腹熱 裏急後重

膿血稠黏 晝輕夜重 疫痢 暑痢 陰虛痢

瘧後痢痢後瘧 瘧痢交發 婦人胎前產後痢

吐衄 汗多 小便 舌胎 口渴 大孔腫痛

大孔開 脫肛 呃逆 久痢不止 休息痢

痢後各症 壞證 脈法

卷之四

諸家治案 二十四條 痢疾諸方 共一百零六方

人參敗毒散 一 倉廩湯 二

加減柴胡湯 三 加味桂枝湯 四

五積散 五 香蘇散 六

葱豉益元散 七 四逆散 八

黃芩芍藥湯 九 芍藥湯 十

薛氏痢疾方 十一

附改定薛氏痢疾方 十

香蓮丸 十二

戊己丸 十三

白頭翁湯 十四

黃連解毒湯 十五

大黃黃連瀉心湯 十六

甘草瀉心湯 十七

大柴胡去半夏湯 十八

大黃丸 十九

百順丸 二十

巴豆丸 二十一

大承氣湯 二十二

防風通聖散 二十三

枳實厚朴湯 二十四

何首烏湯 二十五

枳實導滯丸 二十六

大健脾丸 二十七

四君子湯 二十八

異功散 二十九

大君子湯 三十

香砂六君子湯 三十一

六神散 三十二

參苓白朮散 三十三

七味白朮散 三十四

保元湯 三十五

生脉保元湯 三十六

補中益氣湯 三十七

調中益氣湯 三十八

升陽除濕防風湯 三十九

三奇散 四十

八珍湯 四十一

十全大補湯 四十二

人參養營湯 四十三

歸脾湯 四十四

七珍散 四十五

人參胃氣湯 四十六

六柱飲 四十七

小建中湯 四十八

黃耆建中湯 四十九

八味建中湯 五十

乾薑甘草湯 五十一

理中湯 五十二

附子理中湯 五十三

枳實理中丸 五十四

治中湯 五十五

蓮理湯 五十六

椒梅理中湯 五十七

吳茱萸湯 五十八

烏梅丸 五十九

乾薑黃芩黃連人參湯 六十

茜根丸 六十一

黃連犀角散 六十二

橘皮乾薑湯 六十三

橘皮竹茹湯 六十四

丁香柿蒂散 六十五

八味地黃湯 六十六

香砂八味湯 六十七

生豚八味湯 六十八

六味地黃湯 六十九

生脉大味湯

七十

駐車丸

七十一

千金黃連湯

七十二

阿膠駐車丸

七十三

歸連丸

七十四

黃連阿膠湯

七十五

傷藏黃連阿膠湯

七十六

阿膠梅連丸

七十七

五苓散

七十八

理苓湯

七十九

春澤湯

八十

益无散

八十一

硃砂益元散

八十二

良方厚朴丸

八十三

五物香薷散

八十四

六和湯

八十五

導水茯苓湯

八十六

金匱腎氣湯

腎氣丸八十七

千金溫脾湯

八十八

千金羊脂煎

八十九

白頭翁加阿膠湯 九十
千金三物膠艾湯 九十一

伏龍肝湯 九十二
桃花湯 九十三

大桃花湯 九十四
桃花丸 九十五

阿子皮散 九十六
訶梨勒散 九十七

木香散 九十八
二石理中湯 九十九

真人養臟湯 一百
四神丸 一百零一

獨活寄生湯 一百零二
大防風湯 一百零三

虎骨四筋丸 一百零四
潛行散 一百零五

參附湯 一百零六
痢疾聖方

痢疾諸藥

折衷諸家目錄

劉河間 朱丹溪 戴原禮 衛生寶鑑 徐東臯

王海藏 趙養葵 王肯堂 張景岳 李士材

喻嘉言 張石頑 譚因脉治 薛可久 繆仲醇

楊子建

痢疾論卷之一

後學楊大任占儀齋閱

黎水孔毓禮以立著輯

同邑陳元節菴全校

內經補註

帝曰腸澼便血何如岐伯曰身熱則死寒則生

身熱則死寒則生亦大概言之必兼症詳考豈無身熱得生而寒死者○按身熱是陰不內守陽氣外浮陰陽離絕之兆也故死寒則生者謂身不熱也若四肢厥冷屬痢之死餘陽氣將脫絕而難救矣

帝曰腸澼下白沫何如岐伯曰脉沉則生浮則死

按浮非死脉此所謂浮乃浮洪浮強也詳見下節

帝曰腸澼下膿血何如岐伯曰脉懸絕則死滑大則生

按懸絕者謂浮空細動而無根底也。痢症白沫爲陰，膿血爲陽。脉則懸絕爲陰，滑大爲陽。脉症相對則生，相反則死也。

帝曰腸澼之屬身不熱脉不懸絕何如岐伯曰滑大者曰生懸澼者曰死以藏期之

按滑與滑反乃陰陽氣塞故不懸絕而懸滑亦主死也。以藏期之謂見相尅之期而死也。

又曰陰陽虛脫腸澼死泄而奪血脉沉微手足逆皆難治

沈微之脉多見厥逆逆猶未至于勝已屬難治至于厥逆十難救一矣。

脾脉外鼓沉爲腸澼久自已

沉爲在裏而兼外鼓雖爲腸澼邪不甚深久當自已。

肝脉小緩爲腸澼易治

肝脉血瀉肝脈急太爲邪盛
難愈今小緩爲邪輕易治。

腎脉小搏沉爲腸澼下血血溫身熱者死

腎脉本沉小而搏爲陰氣不足陽邪乘之故爲腸澼下
血血溫身熱者邪火有餘眞陰喪盡也故死則必矣

心肝澼亦下血二藏同病者可治

心主血肝藏血故二藏之澼亦下血不獨腎也二藏本
大同氣按同病爲順而可治若肝脾同病是土勝木賊
其難治也必矣。

其脉小沉澼爲腸澼其身熱者死熱見七日死

心肝之脉小沉而澼以陰不足而血傷也故爲腸澼然
脉沉細者不當熱故身熱者死死于熱見七日者去陰
敗盡也。

腎移熱於脾傳爲虛腸澼死不可治

虛損也腎爲水藏而挾熱傷脾爲腸澼陰虛反尅水土皆敗

賊風虛邪陽受之陽受之則入六腑入六腑則身熱不時
上爲喘呼飲食不節起居不時陰受之陰受之則入五臟
入五臟則膜脹閉塞下爲殭泄久爲腸澼春傷于風夏生
泄泄腸澼

腎所生病爲腸澼

腎開竅于二陰故病腸澼

虛邪之中人也留而不去傳舍于腸胃之間則腸鳴殭泄
食不化多熱則溲出糜

仲景補註

大腸有寒者多驚澹。有熱者便腸垢。小腸有寒者下重便

血。當作大腸有熱者必痔。

按有熱者便腸垢。有寒者下重便血。可見寒熱皆能成病。

夫六腑氣絕于外者。手足寒。上氣脚縮。五臟氣絕于內者。利下不禁。下甚者。手足不仁。

陽虛則陰盛。故上氣。嘔逆。寒主收引。故蜷縮。下甚則氣下。腹津液不養。四體故手足不仁。

下利清穀。裡寒外熱。汗出而厥者。通脈四逆湯主之。

下利清穀。裡寒也。外熱汗出而厥。陽亡也。主之以通脈四逆湯。回陽勝寒而止利也。

下利手足厥冷。無脈者。灸之不溫。若脈不還。反微喘者。死。

少陰負跌陽者為順也。

一灸之不溫脈不還。是真陽已離絕也。喘則氣已上脫矣。少陰負跌陽者為順也。一句文義不屬。此有錯脫不必

強解。

下利後。脈絕。手足厥冷。辟時而還。手足溫者。生。脈不還者。死。

此即上條用灸之意。

下利清穀。不可攻表。汗出必脹滿。

按下利清穀。裏寒症也。誰肯攻表。仲景恐因兼見表症者。而人誤攻。遂故戒之也。倘誤服其汗。則陽氣外洩。陰氣彌塞。胸腹必生脹滿。後一條。所以先溫裏而後攻表也。

下利腹脹滿。身體疼痛者。先溫其裏。乃攻其表。裏宜四

逆湯攻表宜桂枝湯。

身疼痛有表有裏必清便已調其痛不減方属于表也。
○按此條與上條相發明。上條無脹滿此條已有脹滿。
下利身軀疼痛急當救裏諸溫之屬可與理中。四逆附子
湯熱藥急投之矣。

按曰。急當救裏恐人因身軀疼痛而誤行汗散也。身痛
有表有裏。表属太陽。裏属少陰。脉浮數身熱者太陽也。
脉沉遲身涼者少陰也。前條表裏兼症。而先溫其裏。
其裏後攻其表。况有裏無表。症而可不急溫乎。

下利脉沉而遲其人面少赤身有微熱下利清穀者必鬱
冒汗出而解。病人必微厥所以然者其面戴陽下虛故也。
下利脉沉遲爲陰寒內凝。番去寒深於下則必格陽於
上。寒深於裏則必格陽於表。安得不而赤。身熱而下利
完穀乎。去虛陽至於外越上出危候已彰。或其人陽向
有根。或服溫藥以騰陰助陽陽得反與陰爭必鬱冒少

頃然後陽勝而陰出爲汗。陰陽未卽相接又必微厥也。仲景以爲下虛則是腎經真陽不固肝挾相火上炎與傷寒太陽陽明併病面色緣緣正赤爲陽氣怫鬱在表者未相運庭也。

下利脈遲緊爲痛未欲止當溫之得冷者瀉而便腸垢。

按脈遲緊而痛臟寒也。臟寒宜溫若以冷治之則臟愈寒而生脹滿。便腸垢者若鼻涕若腹凍之類是也。第一條曰有熱者便腸垢此曰得冷者瀉而便腸垢可見同一腸垢而形色淺深濃淡有差矣。

下利脈沉弦者下重也。脈大者爲未止。脈微數者爲欲自止。雖發熱不死。

按沉弦爲肝木不榮故氣逆下重而下重也。沉弦數大爲邪盛故爲未止。沉弦而微數爲邪向衰故爲欲自止。蓋下利之脈宜微弱不宜實大微弱者雖發熱不死。脈大身熱則死也。

下利脈反弦發熱身汗者自愈。

下利脾病也。弦肝脈也。脾病不當見弦脈。故曰脈反弦也。下利裏強也。發熱表証也。發熱身汗則表與裏相離。脈弦自愈也。

下利脈反浮數。尺中自濇者。必圜膿血。

脈見浮數。若邪還於表。則尺脈和。今尺中自濇。乃邪熱搏結陰分。雖寸口得浮脈。究竟陰邪必走下。數而傾。膿血也。續論擬白頭翁湯。膿血止。芍藥甘草湯。

○下利裏病而得浮數表脈。故曰反浮數也。

下利微熱而渴。脈弱者。令自愈。下利脈數有微熱。汗出。令自愈。設脈緊爲未解。下利脈數而渴者。令自愈。設不

瘥。必圜膿血。以有熱故也。

按此三條。令自愈。有兩意。一由邪衰。一由邪出也。蓋下利而渴。雖裏有邪熱。然熱微。脈弱是邪已向衰候也。故令自愈。脈雖數而熱微。汗出是邪已向衰。且從汗散。愈不待言矣。脈數有汗。則解可知。設脈緊者。邪尚盛。可遽

言愈理脉數而渴邪雖未衰然有向陽之象而無入陰之虞是亦外解之機也。三。自愈當分別看。下利熱微汗出其愈也。速下利微熱而渴脉弱其愈也。緩下利脉數而渴可愈而未能即愈。問脉血與脉緊之未愈亦非不可愈也。

下利後更煩按之心下濡者乃虛煩也。梔子豉湯主之。

下利後穢腐已去乃更煩甚治煩有虛實兩途實者可下。虛者不可下。欲知之法按其心下無所結痞則其煩為虛可湧去也。

下利便膿血者桃花湯主之。

下利便膿血熱盛者白頭翁湯清之若日久滑脫則當用桃花湯以養腸固脫。

熱利下重者白頭翁湯主之。產後下利極虛白頭翁加甘

草阿膠湯。

下利裏急後重。積熱已深。禁用白頭翁湯。大苦大寒治之。寒能勝熱。若能燥濕。濕熱去。下重自除也。

下利三部脈皆平。按之心下堅者。急下之。宜大承氣湯。

平者。邪實不微。弱也。下利心下鞭者。諸渴心湯症也。若脈平實則裏氣不虛。宜急下之。此瀉症。又惡脈之法也。○按三部但曰皆平。尚非可攻之脈。而按之心下堅。乃當攻之症也。急下才者。以症爲據也。然脈若微弱則亦不敢攻矣。

下利脈遲而滑者。實也。利未欲止。急下之。宜大承氣湯。

脈遲爲寒。然與滑兼見。則中實有物阻。其脈道故遲。實不去則利不止。故宜急下。○按脈遲滑兼見。人疑脈遲不敢下。不知滑實之脈。定屬中有實積。雖遲亦當急下也。然遲滑若屬寒積。又宜巴豆不宜大黃矣。須知。

下利脈滑而數。有宿食。當下之。

滑數爲熱滯。

下利脉反滑者當有所去下乃愈宜大承氣湯

經云滑為有宿食下利脉反滑者是病虛而脉實當去之積未去也若其人形體強實下之乃愈

下利譫語者有燥屎也小承氣湯主之

下利則熱下溲安得譫語必然利者利而結者結也○必脉滑數方可下

下利不欲食者有宿食當下之

以不欲食為宿食當參之色脉俱胃虛不食洩瀉者亦當下之乎

下利而腹痛滿為寒實當下之

痛滿為實而有寒熱之分當參之以色脉緊遲為寒滑數則為熱矣

下利腹中堅者當下之

下利既有所去何復腹中堅耶所以知其有物而當下也

下利大孔痛者當溫之。

下利大孔痛症有虛實。治有溫涼。此特論其虛寒而當溫者。

下利已瘥至其年月日時復發者。此爲下不盡。更下之。愈。飢寒重者不可下。下之後心下堅痛。脈遲。此爲寒。但當溫之。脈沉。下之亦然。脈大浮弦。下之當已。下利脈浮大。此爲虛。以強溫之故也。設脈浮弦者。因爾腸鳴。當溫之。

此舊積之邪復病也。下利瘥後至其年月日時復發者。是前次下利之邪隱解腸間。今值臟腑司令之期。觸動舊邪而復發。然隱僻之根未除。終不能愈。故宜更下。按風寒重者而誤下之。邪入而成結胸症。故心下堅痛也。凡脈數則爲熱。若見脈遲則爲寒。但當溫之而已。卽脈沉緊亦不可下。蓋沉緊爲寒在裏。若誤下之。亦有變症。惟脈大浮弦有力。方可下之而愈也。以強溫之故也。一句或謂浮大爲虛。當補不當溫。然玩一故字。分明謂

所以虛者。因溫藥所致。溫而成虛。于理不順。子疑溫字。乃下字之錯。蓋言所以虛者。因強下之故也。夫脈浮大。爲虛。只須補之。設脈浮革。腸鳴。則虛而且寒。非溫之不克有濟也。

下利舌黃燥而不渴。胸中實。下不止者死。

按下利則邪當下泄。何以上焦舌黃燥。胸中實。全然不爲利減耶。其症有似挾熱下利。乃下之而利不止。然則頭眩。胃敗。津傷。非實火也。下之固不能愈。偏之亦不能受。故死。

下利氣者。當利其小便。

小便本乎氣化。治利不利小便。非其治也。氣者二字。當有缺字。不必強解。

氣利。訶黎勒散主之。

訶黎勒散。以固脫之藥也。不曰滑利。而曰氣利。未詳。

下利肺病。紫參湯主之。

醫宗金鑑曰此
文脫簡不釋

仲景原缺滯下一症。上所錄者乃金匱要畧傷寒論中。
少陰厥陰下利諸症。以其脉症之義可與滯下證相參。
故近代名家。摘入痢門中。非謂下利之症可與滯下混
同施治而漫無分別也。

折衷諸家

劉河間曰下痢白爲寒者誤也。古法以白爲寒赤爲熱但白者不皆屬寒而屬寒者

十之七八。若果爲寒則不能消穀何由反化爲膿血也。若寒至

穀則其人死所謂下痢穀反爲膿血如世之穀肉菓菜濕矣何但病痢

熱甚則自然腐爛潰發化爲活水故食于腹中感入濕熱

邪氣則自然潰發化爲膿血也其熱爲赤熱屬心火故也

其濕屬黃濕屬脾土故也燥鬱爲白白屬肺金故也。以五

五藏亦下痢赤白俗言寒熱相兼其說尤誤豈知水火陰

陽寒熱者猶權衡也一高必一下一盛必一衰豈能寒熱

俱甚於腸胃而同爲痢乎。辨見下卷寒熱錯雜門大法下迫窘痛後

熱明矣。痢疾未有不裏急後重小便不赤澀者或曰白痢

既爲熱病何故服辛熱之藥亦有愈者耶。蓋辛熱之藥能

開發腸胃鬱結使氣液宣通。辛熱可以宣通氣液則

潤燥氣和而已。功效如此便是對症之藥但然病微者可

愈甚者鬱結不開其病轉加而死矣。非病微者可愈耳非甚者轉

加而死耳。凡治痢者莫若以辛苦寒藥治之或微加辛熱

佐之則可。此法見可蓋辛熱能發散開通鬱結苦能燥濕

寒能勝熱使氣宣平而已如錢氏香連丸之類是也故治

諸痢者黃連黃柏爲君以至苦大寒正主濕熱之病乃者

世傳辛熱金石毒藥治諸吐瀉下痢或不中病反更加害也。

又曰臟腑瀉痢其症多種大抵從風濕熱論。瀉痢之故多

可該得。是知寒少而熱多。熱又何以該寒則不能久也。寒者

熱者故曰暴瀉非陽久瀉非陰。暴瀉自是陽然亦有緣故

然亦有陽故曰久瀉非陰語意是如此論曰春宜緩形

動則肝木乃榮反靜密則行秋令金能制木風氣內藏夏

至則火盛而金去獨火木旺而脾土損矣輕則殄洩身熱

脉洪穀不能化重則下痢膿血稠粘皆屬于火經曰溲而

便膿血知氣行而血止也宜大黃湯下之。膿血稠粘屬火

者方可下之否

則不是為重劑。黃芩芍藥湯是為輕劑。是實則瀉其子木。
能自虛而脾土實矣。苦以瀉其心之火。獨不慮其先傷脾土乎。故經曰春傷于
風夏必飧泄。此逆四時之氣人所自為也。經意未言外感。不氏則主內傷。
然肝木不得升勢必下降。是或一道也。有自太陰脾經受濕而為水泄。虛滑
微滿身重。不知穀味。假令春宜益黃散補之。夏宜瀉之。補
豈拘春夏補藥豈拘益黃法云宜補宜和宜止假令和則芍藥湯是也。
止則訶子湯是也。久則防變而為膿血。一日或數日泄瀉常變膿血久瀉少
有變膿血者。脾經傳腎謂之賊邪。故難愈。若先痢而後滑謂之
微邪。故易痊。脾腎皆能為痢。未必與脾主瀉腎主痢但瀉是疏通之象。痢是閉塞之象。由瀉轉痢。疏
通變閉塞也。自然難愈。由痢轉瀉。閉塞變疏通也。自然易痊。不必說到脾傳腎為賊邪。腎傳脾為微邪。此皆

脾土受濕。天行為也。既曰脾受濕。又曰天行。何也。豈濕即天行耶。雖聖智不能

逃。口食味。鼻食氣。從鼻而入。留積於脾。而為水泄。濕積於脾。自腹

水泄。然濕又何有厥陰經動。下痢不止。其脉沉而遲。手足

厥逆。冷。唾膿血。此為難治。宜麻黃小續命湯汗之。法曰。謂

有表邪。縮于內。當散表邪而愈。脉沉遲。手足厥逆。是內外合寒也。即有表邪。內縮。當

準仲景救表桂枝救裏四逆之例。麻黃二湯。何敢輕投。有暴下無聲。身冷自汗。小便

清利。大便不熱。氣難布息。脉微。嘔吐急。以重藥溫之。漿水

散是也。必如此方為冷痢而後。溫之則十死其十愈。故法云。後重則宜下。亦不盡當

下。腹痛則宜和。亦有當溫之者。身重則除濕。亦有氣虛無脉力而身重者。脉

弦則去風。多有宜小建中湯者。膿血稠粘。以重藥竭之。身冷自汗。以

毒藥溫之。

何物是毒藥。

風邪內縮。宜汗之。驚悸為病。當溫之。又

云。在表者發之。在裏者下之。

裏實方在下者。可下之。

竭之。自表熱者。內疏之。小便濇者。分利之。又曰。盛者和之。

去者送之。過者止之。兵法云。避其來銳。擊其惰歸。此之謂

也。然則病當進迫之時。反不當攻之耶。凡病泄而惡風寒。是太陰

傳少陰。木來剋土也。泄而惡風寒。安知其故。外感邪仲景

泄惡寒為邪傳少陰厥病也。用白朮茯苓除濕。芍藥桂枝安脾。黃連破血

也。本草不言黃連破血。火邪不能勝水也。太陰竟不能傳

少陰。而反火邪上乘肺經。而病必白膿也。加黃連當歸之

類。白膿未必屬肺經。且又義裏急後重。脉洪大。而實為裏

何所見。而用當歸黃連。

熱而甚閉。是有物結墜也。若脉浮大甚。不宜下。雖裏急後重。而脉沉細弱者。爲寒邪在內而氣散也。可溫養而自愈。裏急後重閉者。大腸經氣不宜通也。宜加枳榔木香宣通其氣。如痢或泄而嘔者。胃中氣不和也。上焦不和。治以生薑橘皮。嘔有虛寒痰氣食火之中焦不和。治以芍藥當歸。枳亦非薑橘可通治之桂枝苓。何以取此四味下焦不和。寒輕治以輕熱藥。甚以重熱藥。下焦肝腎之位。而治以熱藥。然則上中二焦獨不忽然接著三焦。何。可用熱藥而下焦必須熱藥耶。既言脾胃不和以文理不順如此。大便虛閉。積久不愈。恐太陰傳少陰。多傳變爲痢。太陰是爲賊邪。先以枳實厚朴湯以防其變。厚朴實湯中有木香黃連大黃。劉氏之意。謂速去太陰之邪。則無因而傳少陰。不知用之不當。反傷少陰封繫之本。而

成痼若四肢懶倦小便少或不利大便走沉困飲食減宜

調胃去濕白朮芍藥茯苓三味水煎服以白朮之甘能入

胃而理脾胃之濕芍藥之酸瀦除胃中之濕熱四肢困伏

苓之淡泄通水道走濕此三味泄痢須如此懶倦沉困飲食減少應川

理中湯各此三味但用如發熱惡寒腹不痛加黃芩為主

此三味不免病重藥輕如發熱惡寒腹不痛多屬表邪何以反用黃芩為主如未見膿而惡寒乃太陰欲傳

少陰加黃連為主桂枝佐之黃連桂枝未必可斷太陰入少陰之路且既以惡寒豈可

用黃連如腹痛甚者加當歸倍芍藥芍藥雖腹痛要藥可治熱痛不可治寒痛

倘痛屬寒如見血加黃連為主桂當歸佐之見血即若黃連然則血皆

屬熱如煩燥或先白膿後血或發熱或惡寒非黃芩不止

此上部血也。劉氏以黃芩為肺經藥。肺居上焦。故云止上

如惡寒。脉沉或腰痛。或血痢下痛。非黃連不能止。此中部

血也。以黃連為心脾藥。故云止中部血。然惡寒

沉先血後便。非地榆不能止。此下部血也。劉氏總以血為

乎苦。如便膿血相雜。而脉浮大。慎不可以大黃下。下之

必死。謂氣下竭。而陽無所收也。氣不竭。謂病久而氣竭於

外。而脈浮。凡陰陽不和。惟可以分陰陽藥治之。又云。無

非陽。久泄非陰。大便完穀有寒。有熱。熱者脉疾。身多動。音

聲响。哕暴注下迫。此陽也。寒者脉沉而細。疾。不得因疾急

寒極似熱之脉也。若脉沉而細。遲。寒更不待言矣。身不動。作。目睛不了了。目睛不

了。爲陽熱而用承氣。此以目睛不了了爲陰寒。而用葛附。同一目睛不了了。而有虛實寒熱之分。飲食不下。鼻准氣息微而冷者。葛附湯主之。若身重四肢不舉。此附湯主之。劉氏非不用溫。然不過補立言之。餘而其大指則專以溫熱爲主也。

朱丹溪曰。經曰。暴注下迫。皆屬於熱。又曰。暴注屬於火。又

下痢清白。屬於寒。熱君火之氣。火相火之氣。寒水之氣。

屬火熱者。二屬水寒者。一。痢乃時令外人之病。何必。瀉痢。寒君有二。火而強證之。

一症。似乎屬熱者多。屬寒者少。詳玩局方。專以熱瀉爲用。

若用之于下痢清白而屬於寒者。斯可矣。寒痢用熱則可。瀉痢則不可。

經所謂下迫者。卽裏急後重之謂也。其病屬火相火所爲。

其甚于熱也。投以瀉劑。非殺之而已。○夫瀉痢之病。水

穀或化或不化。並無努責。惟覺困倦。若滯下。則不然。或膿或血。或膿血相雜。或腸垢。或無糟粕。或糟粕相混。雖有痛不痛。大病之異。然皆裏急後重。逼迫惱人。考之于經。察之于症。似乎皆實症也。余近年涉歷。亦有大虛大寒者。不可不知。

戴原禮曰。痢出於大腸傳送之道。了不干于腎氣。內經明言腎所

生病爲腸澼。何謂了不干于腎氣。然河間謂

脾主瀉腎主痢。分別脾腎專主。亦非確論。嘗原其本。皆

由腸胃。日受飲食之積。餘不盡行。留滯于內。鬱熱腐爛。

結日深。伏而不作。時逢炎暑。火相火司令。又調攝失宜。

復感酷熱之毒。至秋陽氣始收。火氣下降。蒸發蓄積而發。

下之症作矣。其濕熱瘀積于血分則流于氣分則白赤白兼下氣血俱受邪矣。久而不愈氣血不運脾積不磨。陳積脫滑下凝猶魚腦矣。甚則腸胃空虛關司失守濁液并流色非一類錯雜混下注出狀如豆汁泉若脾氣下陷虛坐努責便出色如白膿矣。其熱傷血深濕毒相瘀粘結紫色則紫黑矣。其汚濁積而欲出氣滯而不與之出所以下迫窘痛後重裏急至固而不能便此皆大腸經有壅遏窒礙氣液不得宣通故也。原應之論甚是不允。但亦有見不到處。

衛生寶鑑曰太陰主瀉傳于少陰為痢。太陰何以專主瀉少陰何以專主痢由瀉亡津液而火就燥腎惡燥居于下焦血分也受邪故

便膿血。然則清火潤燥而治病之能事畢矣。此論好惡雖亦有此理。特不盡錄耳。

徐東臯曰。凡痢疾之治。須審病者。體氣厚薄。曾無通瀉。及

攻積苦寒之藥。脉之有力無力。及正氣邪氣有餘不足。對

症施治。未有不效。上乃平允之論。下則矯時弊也。今醫治痢多峻用下劑。

及苦寒太過。鮮有不致誤者。況年高與體弱之人。遂致元

氣虛陷。反不能支。胃氣既虛。其痢益甚。有陽虛陷入陰中。

則脫血陣陣而下也。醫者謂血痢不已。仍用苦寒。漸至脈

絕。四肢厥冷而死者。曷可勝紀。且今之患者。多有脾胃先

虛。而後積滯通滯之劑。宜加用也。不特攻其輕者。即通滯之品。加枳朴。查麵赤。皆

動量稍或過。遂致虛脫。

王海藏曰。寒毒內傷。後用寒涼。非其治也。況血爲寒所凝。浸入大腸間。而便下得溫。乃行。所以用熱藥。其血自止。經曰。治病必求其本。此之謂也。胃既得溫。其血不凝。而自行。各守其鄉矣。中寒反便。血人都不解其故。且又不解溫熱之品。何以反能止血也。惟此解得明白。此論中寒係血也。若挾熱便血。當用清涼者。人所共知。不待言也。趙養葵曰。世人一見滯下。不分寒熱。陰陽虛實。便以大黃湯滌之。是重劑也。其次黃芩芍藥湯和之。是輕劑也。香連丸是常藥也。當歸芍藥和其血。枳榔枳殼調其氣。見有血色者。紅花生地地榆以涼其血。黃連黃柏以清其火。朝夕更醫。出入增減。不過如此。最可久按。倘早破此老完全寫出。已瀆于死。猶曰血色依然。腹痛不減。誰

敢溫補死而無悔。傷哉。傷哉。目今之信薛氏奇方。妙論者如是如是。凡腹痛

後重。小便短少。口渴喜冷。大腸燥結。是為挾熱下痢。前法

固宜。此數語要作半篇論斷看。語勢所以側重溫補者。端持弊也。矯枉者必過其正。是在善讀之人而已矣。

若挾寒下痢。須用理中薑桂溫之。又有初起受病。原係熱

痢。遷延日久。各症不減。或反加重。竟作虛看。須用補中益

氣一升一補。倍加參芪溫補。此症初起。亦非純熱。乃半虛

成純寒。若係純熱。如小腹重墜。切痛。奔豚。腎之積。日奔豚

症。則先藥已効矣。如小腹重墜。切痛。奔豚。腎之積。日奔豚

痛。作奔豚。然奔豚是腎受寒邪所致。今痢症寒逆。此專屬

下焦。結聚不散。小便作痛。即謂之奔豚。未為不可。此專屬

少陰症。急加吳茱肉桂。故芷肉苁甚。加附子。少陰當有專

補中益氣湯。中似未盡善。蓋美。不若建中湯中。加此數味。如有純血者。加炒黑乾薑。虛

回而痢自止。純血有寒有熱。此特論屬寒者。詳見論色及辨症諸條當參之。若必待血清痢止而後補亦晚矣。

世間似痢非痢者多。

詳見後卷似痢非痢辨。

東垣云。飲食有傷起居。

不時損其胃氣。則上升清華之氣。反從下降。是爲殄泄。久

則太陰傳少陰。而爲腸澼。

余獨未見東垣有太陰傳少陰而爲腸澼之句。或在卜書之外。

耶。裏急後重。膿血交錯。數至圊而不能便者。專用補中益

氣爲主。使升降之道行。其痢不治而自消矣。予法東垣凡

有熱者加薑炒黃連。有寒者加薑桂寒兼小腹痛者。用建

中湯。有風濕者。加防風羌活。治肝氣乘脾者。倍柴胡。加芍

藥木香滑泄者。加粟壳訶子。

加減尤見手法。

如此溫補不愈。又當

別治經曰熱之不熱是無火也無火者益火之原急補命門之火以生脾土之丹此爲舉萬全之策也

又有一種陰虛似痢者卽五泄中大瘕泄是也經曰裏急後重數至圜而不能便必莖中痛褚氏云陰已耗而復竭之則大小便聲痛愈痛則愈便愈便則愈痛其症紅白相雜裏急後重悉似痢疾必小便短澀而痛或不通而痛最惑人以爲濕熱而誤投清利可知治病當因診參詳勿以一症而拘泥大小二便從來難爲虛實之據或欲小便而大便先脫或欲大便而小便自遺此則分兩便牽引而痛此腎虛之危証急以入味加補骨脂肉豆蔻阿膠兼理中湯加升麻桂附相繼間服庶可挽回以痢藥治之

必斃矣

趙氏論病凡內傷於實熱病則用第一條世俗治痢之法虛寒痢則用後三條溫補之法虛中候實

者則依他加減法大綱已舉矣

王肯堂曰痢病所見之症種種為邪人胃經氣傷則傳於

肺血傷則傳於心心肺者氣血之主也而大小腸者心肺

之合也

皆藥河間之說

而胃乃大小腸之總司是又五臟十二經

脉稟受之海內外之邪損傷經臟或其邪入胃胃腐濕土

之化受邪則濕氣不化怫鬱而成濕熱矣

歸重胃經又將東垣之說但邪

一入胃則胃氣怫鬱隨時令應見之症而為

病當夏秋之交則病痢矣未必有濕氣不化又曰腸胃熱

腐水穀轉輸糟粕皆營衛滲陳六府之功

此說反了當云營衛滲陳六府

皆腸胃熱腐水穀轉輸糟粕之功

今腸胃有邪則營衛運行至此其機為

之阻不能施化

營衛運行失度

故衛氣鬱而不舒營血

泣而不行於是飲食結痰停於胃糟粕留於腸與鬱氣流

血之積相挾成滯下症矣

肯堂之論甚是平允曰腸胃有邪則寒也濕也滯也熱也皆邪

也又曰衛氣鬱而不舒營血泣而不行與痰食糟粕相挾而下深得所以下利膿血之故

如是者或下

之以通其壅塞利營衛之行或但理衛氣以開通腠理和

營衛以調順陰陽陰陽調腠理開則升降之道行其積聚

治而自消矣

治法亦佳但遺了濕補一法想是感于河間也

張景岳曰痢疾之病多在夏秋之交古法相傳皆謂暑

火相火司令酷熱之毒蓄積為痢今人所宗皆此一說

然炎暑天之常令也當熱不熱必反為災因熱貪涼人之

常事也。過食生冷。所以致痢。多見人之慎疾者。雖經盛暑。不犯寒涼。則終無瀉痢之患。豈其獨不受熱乎。此其病在寒邪。不在暑熱。病在人事。不在夫時。從可知矣。含天時而專言人事未免矯枉過正。但胃強氣實者。日用水奠之類。而陽氣能辟交不致疾。其次之者。雖未卽病。而日用日積。迨夫大火流西。新涼得氣。則伏陰內動。乘機而起。亦非伏陰內動。乃陽氣不得舒發故也故寒濕得以犯脾者。多在七八月之間。此陽消陰長之機。最易見也。再其次者。多以脾腎本弱。則隨化隨病。不必伏寒。亦不必待時。尤爲易見。夫以生冷下咽。瀉痢隨起。豈卽化而爲熱乎。奈何近代醫流。但見痢症。便直熱毒。反以寒涼治。

生冷。是何異。雪上加霜乎。或曰。亦有用寒涼而愈者。何也。
曰。以胃氣強盛之人。得濕成熟者。亦有之。以元氣壯盛。而
邪不勝正者。亦有之。此皆可以寒治而愈。而此輩極少。以
胃弱陽虛。而因寒傷藏者。若用寒涼。或妄加蕩滌。則無有
不死。凡今以痢疾致死者。皆此類也。

李士材曰。痢之爲症。多本脾腎。脾司倉廩。土爲萬物之母。
腎主蟄藏。水爲萬物之元。二藏皆根本之地。投治少差。宛
沉幽冥。究其疵誤。皆寒熱未明。虛實不辨也。晚近不足論。
卽在前賢。頗有偏僻。如局方與復菴。例行辛熱。河間與丹
溪。專用苦寒。何其執而不圓。相去天壤耶。夫痢起夏秋。濕

蒸熱鬱本乎天也。因熱求涼。過吞生冷。由于人也。氣壯而傷于天者。鬱熱居多。氣弱而傷于人者。陰寒爲甚。數語濕土寄旺四時或從于火則陽土有餘而濕熱爲病經所紀卑墮卑是也或從於水則陰土不足而寒濕爲病經所紀卑監是也言熱者遺寒言寒者廢熱豈非立言之過乎以下專論
虛又曰世之病痢者十有九虛而醫之治痢者百無一補氣本下陷而再行其氣後重不益甚乎中本虛衰而復攻其積元氣不愈竭乎濕熱傷血者自宜調血若過行推蕩血不轉傷乎津亡作渴者自宜止洩若但與滲利津不轉耗乎請以宜補之症悉言之脉來微弱者可補形色虛薄

者。可。補。病。後。而。痢。者。可。補。因。攻。而。劇。者。可。補。然。而。尤。有。至。要。者。則。在。脾。腎。兩。藏。如。病。在。脾。者。尙。淺。在。腎。者。病。深。腎。爲。胃。關。開。竅。于。二。陰。未。有。久。痢。而。腎。不。損。者。故。治。痢。不。知。補。腎。者。非。其。治。也。凡。參。朮。補。脾。未。嘗。不。善。若。病。在。火。衰。土。位。無。母。設。非。桂。附。補。火。則。飲。食。何。由。而。進。門。戶。何。由。而。固。耶。喻。嘉。言。曰。痢。疾。一。症。難。言。之。矣。在。羅。素。謂。之。腸。澼。亦。曰。澼。下。金。匱。以。嘔。吐。噦。下。痢。列。爲。一。門。蓋。以。三。者。皆。足。陽。明。胃。手。陽。明。大。腸。所。生。之。病。也。至。其。所。論。下。痢。則。皆。傷。寒。論。中。厥。陰。經。之。本。症。與。一。陽。明。嘔。吐。噦。同。列。之。義。殊。不。相。合。觀。其。論。中。厥。與。利。每。並。言。始。先。卽。云。大。府。氣。絕。于。外。者。手。

足寒。五藏氣絕于內者。下利不禁。是則厥而且利。爲虛寒之極。所以反能食者。則死。反發熱者不死。若痢症則能食者不死。反發熱者多死。何其相反若是耶。此必金匱嘔吐噦之下。脫失下痢一症。乃取傷寒厥陰下利之文。補入其中。後人屢試不驗。投桴而起者多矣。夫冬月傷寒之下痢。與夏月傷暑濕熱之下痢。而可藉口仲景漫言治法哉。後人以其無補之智。各呈偏見。或得于日之所擊。手之所試。分播廣傳。終不可以爲法。乃遂謂瘧痢無正方也。醫事之偷。何遂至此。瘧疫痢疾。仲景並皆缺畧。今日漸次講明者。皆賴後賢目擊手試之功也。若不目擊手試。縱有仲景方書。空言能濟實。昌謹以岐黃。仲景之法。擬議用耶。重傳受而輕閱歷大非。

言之在內經。冬月傷寒已稱病熱。至夏秋熱暑濕三氣交
蒸互結之熱。十倍于冬月矣。外感三氣之熱。而成下痢。從
外而入者。必從外而出之。以故下痢必從汗先解其外。後
調其內。此大概法也。亦有不盡然者。况風寒之邪。由皮毛
而入。當外解之三氣之邪。不自皮毛入也。豈可外
解。首用辛涼以解表。辛平辛溫辛熱辛涼皆可隨症作解
表藥。惟取辛涼者。總是河間溫熱之
說。膠漆。次用苦寒以清其裏。有開手即用溫者。有外感既
于中也。故用溫補者。有不寒不濕
但取和血調氣者。治法
多方。豈可定用苦寒。一二劑愈矣。屬熱者可愈。若屬
虛寒者。勢必增重。失
于表者。外邪皆從裏出。不死不休。故雖目之遠。仍用逆流
挽舟之法。引其邪而出之于外。則死者可活。危者可安。周
信

川久痢。曾用此法而痊。但恐田單火牛。可一而不可再。何
也。案載信川。體強脈來沉數有力也。倘久痢。陰虛氣弱。不

能作汗而強逼之其治經千人成效歷歷可紀。只是常用不頃刻告變也。幾希。發散法耳。
斷無一千詳金匱有云下利脈反弦發熱身汗者白愈。此個用信川。
見有變成癰疾者。夫久痢之脈深入陰分沉滑微弱矣。忽由裏達表而愈也。
然而轉弦脈渾是少陽生發之氣。非用逆挽之法何以得此。有用升補而得生發之氣者。豈盡由于發散乎。
久痢邪入于陰身必不熱。間有陰虛之熱則熱而不休。陰虛之熱亦多晝輕夜重。
今因逆挽之勢逼其暫時燥熱頃之邪從表出熱自無矣。久痢陽氣下陷皮膚乾澀斷然無汗。今以逆挽之法衛外之陽領邪氣同還于表而身有汗是以腹中安靜而其病自愈也。昌豈敢用無師之智哉。又有驟受暑熱之毒水穀傾囊而出一晝夜七

八十行大渴引水自救百杯不止此則腸胃為熱毒所攻。

頃刻腐爛。經所謂暴注不迫。比之誤食巴豆鉛粉其烈十

倍。更用逆挽之法。迂矣遠矣。此症但當順下。不當逆挽。若用升表。便是悖謬。迂遠不足

言也。每從內經通因通用之法。大黃黃連甘草一晝夜連進

三五十杯。俟其下利上渴之勢稍緩。乃始平調于內。更不

必挽之于外。蓋其邪如決水轉石。乘勢出盡。無可挽耳。

再按治瘧之法。當從少陽而進退其間。進而就陽。則從少

陽為表法固矣。乃痢疾之表。亦當從于少陽。瘧痢本同原。異派故有瘧

變為痢。痢變為瘧者。蓋瘧變為痢。是少陽之邪。陷入陽明。而變重也。痢變為瘧。是陽明之邪。還出少陽而變輕也。

蓋水穀之氣由胃入腸。疾趨而下。始焉少陽生發之氣不

伸。繼焉少陽生發之氣轉陷。故泛而求之三陽。不若專而求之少陽。俾蒼天清淨之氣。足以升舉水土物產之味。自然變化精微。輸瀉有度。而無下痢奔迫之苦矣。况兩陽明經所藏之津液。既已下泄。尤不可更發其汗。在傷寒經禁明有陽明禁汗之條。而金匱復申下利發汗之戒。謂下利清穀。不可攻其表。汗出必脹滿。蓋以下利一傷其津液。發汗再傷其津液。津液去。則胃氣空。而下出之濁氣。隨汗勢上入胃中。遂成脹滿。求其下利。且不可得。寧非大戒乎。所以當從少陽半表半裏之法。緩緩逆挽其下陷之清氣。俾身中行春夏之令。不致于收降耳。

度其人可勝猛劑。則用前法以收逆挽之速功。

度其人。不勝猛劑。則用後法。以待
逆挽之緩功。如此方有利無害耳。津液未傷者。汗出無妨。
津液既傷者。皮間微微得潤。其下陷之氣已舉矣。夫豈太
陽外感正汗之比乎。又豈太陽陽明合病。可用葛根之比
乎。噫。微矣。

更有急開支河一法。其邪熱之在裏者。奔迫于大腸。必鬱
結于膀胱。膀胱熱結。則氣不化。而小便短赤。不用順導而
用逆挽。非計也。清膀胱之熱。令氣化行。而分消熱勢。則甚
捷也。然而水出高原。肺不熱。則小便自行。肺與大腸爲表
裏。大腸之熱。皆因肺熱所移。尤宜用辛涼之藥。先清肺之
化源矣。

痢疾小便不利。虛寒熱。皆能致之。先生用開支
河一法。獨言熱而生清涼。何也。○嘉言先生論痢

疾取逆流挽舟。通四通川。所支河三法。然則三法之外。更無別法乎。及觀治案七條。又不全拘三法。豈知之而故秘之耶。噫。未免爲前人偏說所惑矣。

張石頑曰。腸癖之證。內經原有下血。下白沫。下膿血之異。推詳脉證。大抵以白沫屬寒。其脉應沉。膿血屬熱。脉因滑大。若見白沫而脉反浮。見膿血而脉反弦。濇懸絕。爲脉不應病。故皆主死。總不盡死。總非順證。其扼要尤在身熱則死。寒則生。爲大關鍵。以腸胃受病。不當更見表熱。表熱則內外俱困。將何所恃。而與攻救耶。更當合參脉證。不可見身熱。更詳定斷主死。詳下卷發熱門。藏府諸痢。咸以脉沉小爲可治。血溫身熱主死。內經大義如此。再推仲景論利。以身熱手足溫爲陽回可治。厥逆不

返爲陽絕主死。此蓋指傷寒陰症而言。不可與夏秋腸澼並列而論也。然下痢豈無身熱得生者。凡挾邪之痢與時行疫痢。皆有身熱。但當先撤表邪。自然身涼痢止。當知內經所言血溫身熱。乃陰虛之本症。此則兼併客邪耳。及觀先輩論痢。並以白沫隸之虛寒。膿血隸之濕熱。至守眞乃有赤白相兼者。豈寒熱但甚于腸胃。而同爲痢之說。丹溪從而和之。遂有赤痢從小腸來。白痢從大腸來。皆濕熱爲患。此論出後。咸爲痢皆屬熱。悉用苦寒攻之。蒙害至今未已。卽東垣之勝于理脾胃者。猶言濕熱之傷于中。可下膿血。宜苦寒以疏利之。膿血稠黏數至。固而不能便。脉洪大有

力者下之。亦認定膿血爲熱。曷知其色鮮紫濃厚者信乎。屬熱若瘀晦稀淡。或如瑪瑙色者。爲陽虛不能制陰而下。非溫其氣。則血不清理。氣而爐冶分金。最爲捷法。設不知此。概行疏利。使五液盡墮。寒降而下。安望其有寧止之日哉。嘗見屬服黃連。虛陽迫外。而反發熱。發斑者。亦有虛陽內擾。忽發除中。反驟能食者。有頻用大黃。開腸洞泄。甚至發呃吐衄者。有大黃下嚔。反脹閉不通。陽氣上逆。而變中滿鼓脹水腫者。凡此之類。未遑枚舉。夫天氣之熱。四時之正令也。因熱而恣傷水。水瓜菓是逆其正氣。臟府爲寒物。傷而爲患也。單言寒物所傷亦偏。以逆正氣之病。又以逆病情之藥。

治之。何怪變症百出乎。雖是歲之熱。較他歲倍甚。是以患腸澼者。較他歲亦倍甚。其總輕重不同。所見之積。一皆五色。良由藏府之氣化并傷。是以五色兼見。按五色痢。古人皆言腎病。以腎藏精之室所居之位。最下最深。深者既病。其淺而上者。安有不病之理。精室既傷。安能任熱藏之。令此仲景以五液注下。臍築痛。命將離全也。夫以精室受傷。五液不守之患。須知益火消陰。實脾隄水。兼分理其氣。使失于氣化之積隨之而下。未失氣化之津。統之而安。卽噤口不食者。亦不出乎此法。蓋腸澼之屬。皆由傳化失職。津液受傷。而致奔迫無度。豈可恣行攻伐。以爲不易之定法。

乎。歷觀時師治痢。無高下賢愚。必用陳皮枳殼厚朴檳榔之屬。稍有赤沫。卽用芩連白芍。水道不利。便用木通車前。口噤不食。不出黃連石蓮。不知氣病而腸中切痛。非溫理其氣。則痛不止。因氣陷而濁氣下墜。非升舉其氣。則後重不除。因氣傷而津液奔脫。非調補其氣。則積不已。因陰虛而致夜微熱腹痛。非峻補其陰。則痢不息。凡脈弦細小弱。皆當準此。予治此症。遇五色噤口及瘀晦清血諸痢。每用甘草乾薑。專理脾胃。肉桂茯苓。專伐腎邪。其效如鼓應桴。初起腹痛厚重者。則兼木香檳榔厚朴以泄之。飲食艱進者。則兼枳實焦朮以運之。陰氣上逆乾嘔不食者。則兼丁

香吳茱以溫之。嘔吐涎水者。則兼橘半生薑以豁之。膿血稠黏者。則兼黃芩烏梅以理之。水道不通者。則兼升柴以舉之。身熱不除者。則兼桂枝芍藥薑朮以和之。陰虛至夜發熱痛極者。則兼熟地黃芪阿膠歸芍以濟之。若數日不已而腹痛後重轉甚者。必須參朮升柴兼補而升之。間有脈來滑大數實者。方可用苓連芍藥澤瀉之屬。挾熱後重煩渴者。方與白頭翁。秦皮黃連芍藥之屬也。人見予用參朮薑桂溫補氣血之藥。以爲可駭。更用黃芪地黃滋陰膩滯之藥。益怪甚矣。且用石脂乾薑溫潛固脫之藥。以爲劫劑而大誹之。不知內經原有塞因塞用之法。蓋裏急後重。

數至閏而不能便非滯如何。况因滯而過用利氣。乃至滑脫不收。安得不用滯以固之耶。更有不知調氣。但見下痢日久。便行止滯。閉其滯氣。迫痛愈加。愈劫愈甚。此與殺之無異也。

症因脉治駁李士材曰。痢疾一証。有四時寒熱之不同。一句便大錯了。今先生引衛生寶鑑。所引經文。脾泄。腎泄。內傷痢。證之說。內傷痢疾。外感痢疾。杜撰不通。而歸重于脾。腎二經立論。不知脾傳腎。腎傳脾。乃論五藏相承。內傷痢。非所論。夏秋熱痢之條。傷寒六經傳變。未嘗單主內傷。今謂內傷。然後脾傳腎。腎傳脾。非論外感熱痢。此又不通之論也。今先生論中。既曰。痢起夏秋。濕蒸熱鬱。亦論夏秋之痢矣。卽當從秋令燥金。陽明司令立論。而歸重于腸胃二經。不宜牽入脾腎去。凡病皆重脾腎。痢疾何獨不然。士材之言。探本塞流之論也。夏秋之先水泄。後膿血。先膿血。後水泄。乃是手足陽明之濕熱。證非脾腎相傳之微邪賊邪。內傷證也。古人云。大腸受病。則氣凝注。

而成白痢。小腸受病。則血凝注而成赤痢。大小腸均受其病。則赤白相雜而下。胃之濕熱下滯于大小腸者。亦如此。
古說原不的確。不必引之。即按經文曰。腸澼下血。曰腸澼下白沫。曰腸澼下膿血。諸條之論。皆以腸字立言。不曰脾澼。腎澼。而曰腸澼。則知痢症當以腸字為主矣。
經曰。脾脈外鼓。沉為腸澼。果何謂耶。痢由腸出。故名腸澼。猶之痛在頭。則曰頭痛。痛在脚。則曰脚痛之類也。因名腸澼。而專治腸。正所謂頭痛醫頭。脚痛醫脚也。今先生論中。脫却腸字本題。而獨重于脾腎二臟。則夏秋之痢。先生欲補此二臟乎。抑欲溫此兩臟乎。
夏秋痢疾為虛寒者。溫補何符。夫脾泄腎泄。藏氣不足。內傷之虛症。藏證也。夏秋之痢。腸胃受邪。外感之實症。府症也。內傷不足。外感

有餘二者天壤

上材先生原論夏秋痢疾有虛實寒熱之不同何嘗以虛泄與熱痢混同論治而待

後學之剖析耶卽有少陰下利膿血一證乃是手少陰心主爲患

非足少陰脾傳腎之一證

以少陰下利膿血爲手少陰心主非足少陰腎乃通辭也

保命集以少陰痢曰小腸泄以心與小腸爲表裏心移熱

於小腸小腸移熱於大腸

移何若是之多也則下痢膿血以手少

陰心經主血故也經雖屬陰症則陽邪如傷寒陽症傳陰

經之比也夫夏秋之痢先要究其致病之根

爾以爲得致病之根却不

道得一而失二也

當五六月巳午丙丁行權而庚金大腸受尅於

下令之時預傷其金水至秋燥金行令金被火刑熏燥下

溜既然金被火刑何以不見紅于上而赤屬火之本來白

爲咳噎煩滿等症乃獨下溜爲痢耶

屬金之本色。而赤白相兼之病作矣。此河間赤白之說云。

篇。即或純白無紅。雖非心火所乘。亦為秋時燥火太旺。傷

其金位本身。故白色溶化而下。俱藥河間謬說。此為乘令而得病

者也。燥熱天時也。老少強弱藏府陰陽。人體也。因熱就寒。

也詳下卷。論古一篇。今先生言痢。牽帶脾腎。妄行溫補固瀉。言溫補。

並未言。橫格於中。致令痴人說夢。土材未嘗以溫補固瀉。

實為河間之說。橫格。更有初起之痢。腸胃壅滯。熱鬱于內。

反見外寒兼化之象。誤認虛寒。竟以古人辛溫發散方中。

妄加補瀉之藥。混治濕熱之痢。內熱外寒多。屬風寒外感。

之未必定。如河間所云反兼勝化也。至云。不知古人辛溫

妄加補瀉。誰是于表藥中。擅加補瀉者乎。

原缺

挾字下得不受原病式云豈有寒熱夾雜于腸胃間乎開河

原病式不必橫塞胸中。夫痢疾初起無肛痛之理。痢久然後見痛方

為元氣下陷。痛亦未必盡然止宜用補中益氣湯以升提

之未可用理中湯以治。補中益氣湯未必盡可用因肛痛

者是濕熱下溜燥火閉塞。此候解得出痛解不得即痢之

日久者亦止宜于補未宜于溫。仲景云大孔痛者急即令

虛矣。未必寒也。若是虛而兼寒則肛門當不禁而無疼痛

矣。穢濁下久故肛門痛也痢不止則穢濁不除穢

方例用辛熱河間丹溪例用苦寒何其執而不圓不知夏

秋之痢與四時之痢不同。何為四時之痢彼意蓋指春冬

病痢者上文所云內傷痢疾

是也。不知治痢者，但有真痢，似痢之分。夏秋病者，真痢居多。春冬病者，似痢居多。然真痢似痢，皆當詳審虛實寒熱。亦非真痢，定用苦寒。似痢定用辛熱也。觀渠下條謂河間丹溪之用苦寒為治夏秋之痢，則知謂局方復菴之辛熱為治春冬之痢矣。臆見偏說，自以為是不謂之妄人，不得也。夏秋之痢本于濕熱，但有濕淫燥淫之別。從治正治之分。痢疾有寒有熱，以熱治寒，以寒治熱，俱正治。非從治。局方復菴例用辛熱，深恐濕淫於內，不行辛散。從用苦寒正治，則寒涼抑遏，有邪凝內伏之虞。是以用辛散以治寒濕之痢。辛熱何以改作辛散。豈表有寒濕裏無寒濕耶。此宗內經濕淫於內治以苦熱。濕淫所勝平以苦熱。局方復菴言辛熱未嘗言苦熱。而開濕淫為痢表症居多之法門也。河間丹溪例用苦寒。蓋夏秋之痢燥火為患，熱毒害腸胃。此時特效從治之法，則燥火而

遇辛溫腸胃頃刻焚爛是以用苦寒宜利之劑以爲正治
之法此宗內經熱淫于內治以鹹寒熱淫所勝治以苦寒
而開燥熱爲痢裏症居多之法門也既云夏秋爲外感痢
疾餘月爲內傷痢疾
又言夏秋之痢裏症居多餘月用溫用寒因察表攻裏二
之痢表症居多何自相矛盾乎
法各別今先生不發明四公之意開示後人反毀四公令
後學不明卽如柴言而局方復菴何以不兼言表症居多
之痢疾河間丹溪又何以不兼言裏症居多之
痢疾士材所云言熱者廢寒言寒者遺熱不信然乎今予較正傷寒例仍遵仲景先
生之法夏秋之痢當分燥火濕火四時之痢當分外感內
傷夏秋曰痢四時亦曰痢已屬混淆燥
火濕火亦屬杜撰俱係妄立名目疫痢當分六氣歲
氣歲氣之辨詳
後疫痢條中如兩濕之年流衍之紀宜用發表者以辛

涼辛溫之法治也亢旱之年赫曦之政宜用攻裏者以苦寒鹹寒之味治之深彰先生之道而全先生之書也

作是書者定是好讀書者老秀才既非久年閱歷老醫家何以知之因已而知人也予少讀醫書至病疾一証見主清涼攻就者則信以為然見言溫補者則不覺囁古總以痢發夏秋燥熱之時其証拘急不通腹痛下血駭人悉皆塵秘燥熱之象但顯有餘未見不足故也反閱歷既多則得于予之所談目之所擊然後深悟此証有虛實寒熱之不同而前人之說有大不然者作識之人亦猶予向日之未經閱歷時也誠確宗河間而大意寒涼及見有用溫補而愈者本不能解其何故于是私心臆慮分外感內傷妄立名目更難附會如此也予爲詳加辨駁庶不悞後之學者

壽可久曰痢爲險惡之症生死所關不惟時醫治之失宜而古今治法千家多不得其竅是以不能速收全效

病有淺深

效有遲速未必人人速收全效今立方何以爲奇不混成方故奇也立論

何以爲妙不膠成說故妙也且能以數劑而取效于數日

內初起者或一二劑而取效于一二日內所以爲奇妙也

既奇妙又效速誰不信之然其藥品又不外其常識者慎毋忽之

川黃連去蘆條實黃芩大白芍俱生用山查淨肉上四味各一

錢二分陳枳實去穢炒川厚朴去皮蘆堅栝榔厚青皮未穢四

味各八分當歸甘草地榆各五分紅花酒洗三分桃仁炒去皮尖

南木香二分用水二碗煎一碗去粗空心服粗再煎服既

奇方必非尋常之手眼既云妙論必其高人之見識乃敢
情熱導滯于手雷同之藥餌自前奇妙即且連舉川生其
全不解寒因此方或紅或白或紅白相兼者裏急後重身
熱用之

熱腹痛者俱可用。單白無紅者去地榆桃仁加去白陳皮

四分。木香用三分。

單白無紅者多有冷痢于消破藥中除血分藥加氣分藥便為白痢定法耶。

滯瀉者加酒炒大黃二錢服一二劑仍除之此方用之於

三五日神妙用之于旬日內亦效惟十日半月外則當加

減其法詳其於後

當以脈證為憑奈何以甘數為例

川黃連條黃芩大白

芍三味酒炒各六分生用各四分。山楂肉一錢製厚朴製

陳皮青皮枳榔各四分甘草炙三分生二分當歸地榆各

四分。桃仁粉六分。紅花三分。南木香三分。如延至月餘

脾腎弱而虛滑者用酒炒芩連六分。

虛滑之症尚堪此二物服

白芍六

分。製陳皮製厚朴南木香各三分。醋炒地榆四分。紅花二

分。當歸五分。人參五分。白朮五分。炙甘草五分。若未服已

至月餘。仍須清熱導滯者有之。若既服前藥。即延至旬餘。實多變虛。熱多變寒。何況月餘乎。且既云脾胃弱而虛滑。便當屏除尋常痢藥。急投溫補。今于清破隊中。少佐參朮。虛滑之候。克濟事乎。想蘇氏之意。謂痢疾非至月餘。萬不可投參朮。不知直屬虛寒。旬日且死。旬日不死。旬餘定死。何能延至月餘乎。移之誤認痢。皆溫熱是以無處不差謬也。

以上三方有胎婦人服之去紅花桃仁檳榔

以上方法隨用輒效。豈有一法一方。可開有不效者。必其

初投參朮等補劑太早。補塞邪氣在內。有熱有滯者。誠忌

冷痢在所不拘。蓋補中。即所以祛邪。溫中。即所以行滯也。久而正氣已虛。邪氣猶盛。纏

綿不已。欲補而瀉之。則助邪。清而疏之。則愈滑。遂至于不可救療。雖有奇方。無如之何。則初投溫補殺之也。戒之戒

之。危言險語。正是戒用溫補。然則苦寒攻伐。可肆行無忌。
乎。予謂正虛邪盛之故。乃因應散不。散應攻不。攻以。谷
氣虛帶伏于內。以致補瀉難施。非關溫補之罪也。何也。誤
投溫補藥。幾入口。進迫陡增。雖屬庸愚。亦知變計。改用清
下。藥病俱除。又何至日
久而成。不可救療乎。

古今治痢者。皆曰熱則清之。寒則溫之。初起熱盛則下之。
有表症則汗之。小便赤濇。則分利之。此五者舉世信用。若
規矩準繩之不可易者。予有獨見。偏故以爲五者惟清熱
一法無忌。其四者則犯四大忌。不可用也。若清熱一法。便
不亦
易乎。

一曰忌溫補。只可忌。忌。餘用溫補。痢之爲病。濕熱蘊積。膠
滯於腸胃之中。清邪熱。解內毒。行血滯。則其病速除。卽曰
膠滯

亦有寒熱之分。何得聚用苦寒。○濕熱蘊精。膠滯于腸胃之中。十一字。是伊偏僻之病根也。若用參朮等溫補。則熱愈盛。氣愈滯。不當溫補而誤投。久之元氣衰。毒氣滯。至于不可救療者。初投溫補之過也。

一曰忌大下。當下者。下之可也。大下則不可。因忌中。惟此一忌的當。痢因邪熱膠滯。

腸胃而成。與溝渠壅塞相似。惟用藥磨刮疏通則愈。應到疏通。

四字精確。若用承氣湯大下之。譬如以清水蕩壅塞之溝渠。壅

塞必不可去也。徒傷胃氣。損元氣而已。正氣損傷。而邪氣

不除。強壯者猶可怯弱者必危矣。

一曰忌發汗。先撤外邪。勿令裏應外合。乃治痢第一要着也。因忌中。此一忌尤屬謬誤。痢有身

發寒熱頭痛目眩者。此非外感。乃內毒熏蒸。雖有表症。實

非表邪也。

既有寒熱頭痛，多是表邪。屬內熱者，間有之。今硬指為內實，悉用寒涼，使表邪悉陷于內，正喻

嘉言先生所謂

不死不休者也。若發汗則耗正氣，而邪氣得肆。正氣得舒，

邪氣亦解。且知汗能耗正氣，

獨不畏苦寒，能伐中氣乎？且風劑最熱，愈助熱邪。何其

以熱為虛乎？夫薑桂辛熱，

痢常用之。何況風藥乎？表虛于外，邪熾于內，鮮不斃矣。

發表合宜，則表解于外，邪疏于內，其愈速。

一曰忌分利小便。

小便赤澀，何妨？暑為分利，以殺其勢。然病在腸胃，強瀉膀胱，不惟無益，而反有

損。此一忌在可也。

利小便者，治水泄之良法也。以之治痢，

是非之間者也。

則乖痢因邪熱膠滯，津液枯澀而成。若用五苓等劑，分利

其水，則津液愈枯，滯澀愈甚，遂至纏綿不愈。則分利之為

害也。

五苓雖不可服，苓瀉滑石暫用，亦何傷乎？

若清熱導滯，則痢自愈而小便

自利安用分利爲哉。痢愈小便自利其理甚確但專主清熱導滯則失之偏矣。

予於此症素畏其險惡用心調治者二十餘年。只是揣摩

若果閱歷二十年當如丹溪晚年。百試百驗只是屬熟者

悔悟知痢疾不盡由于濕熱矣。百試百驗只是屬熟者

試百驗何爲昔日驗而頗有妙悟。清熱導滯便

今日則有驗有不驗。頗有妙悟是妙悟耶。既而身自

患之試驗益精。自患亦是熱痢故益執迷不破然予

能破諸家之迷障而爲奇妙之方論。自坐迷障不見外

刊而布之以救世人之疾苦而登之壽域也。受利二一蒙

不辭而闢之其害未有底止也。是方也愚見有人刊粘於市肆通衢之處又見有坊刻依

痢疾。此方治旬餘痢疾。此方治月餘痢疾。人皆袖爲珍寶。
予自擊受其害者。不可屈指。今姑舉一二以示警。一瓊姓
病痢。其尊人按此方。刻日加減法。至旬餘。開腸洞泄。血水
淋漓。四肢逆冷。延予診之。六脉沉細。將絕。辭不可治。乃尊
曰。此症謹遵聶氏奇方。依他日期加減。毫不參以己意。何
爲。至於不可治。然則此症初起。便屬不治之症也。予不與
辨。欲投理中四逆。因思病不可爲。徒爲此方。分過。又誤他
人耳。遂不疏方。越日死。又一人六脉沉細。弦急。全沒精神。
腹痛。逆殂。無度。擬建中湯。面戒勿服。寒破藥。若誤用之。必
變厥逆而死。病者持疑。其親友疾聲曰。烏有痢疾。敢用肉

桂乎。陰與是方連服。果變厥逆死。又一鄉榜。服此方四五日。變厥逆。子辭不治死。按此方。惟實熱痢多效。以虛寒者服之。必死。假如聶氏正其名曰熱滯痢疾。此方主之。不戒溫補。不拘日數。不設四禁。誰謂此方不可治痢。而必非之乎。

繆仲淳曰。時行疫痢。沿門合境。患此者。其症大都發熱。頭痛。口渴。煩燥。亦有不下痢。溺澀甚者。一日夜行百次。或兼斑疹。班疹亦罕見。勢甚危迫。此是時氣使然。積感濕蒸。厲氣所致。時氣是矣。何為濕蒸。治當清熱解毒。果見上症。自當清熱解毒。若無上症。則隨症施治。難拘一定。表散為急。當表散者。十之七八亦有方去。無表症。而不應表散者。如升麻葛根。

北胡黃連黃芩之屬。

有表症者看表邪輕重。人體強弱。或藏府寒熱。製方亦不確定。上藥。

熱甚渴甚。前藥中可加寒水石。

不如石羔花粉。更有別症。以意加減。

切忌下行破氣收瀉。

當下而下。當破而破。有何忌焉。如大黃芒硝枳實。

烏梅栗殼等犯此者多致不救。

楊子建云。世人有患疫毒痢。初得時。先發寒熱。忽頭痛壯

熱。思入涼室。思吃冷水。狂言狂走。渾身肌肉疼痛。手不可

着。予閱疫痢甚多。未見如此亢極。忽下白痢。或白或赤。或

赤白相雜。此症難治。疫痢較正氣尤難治也。此係太歲中。其年春夏

之內。多有寒肅之化。陽光少見。寒熱二氣更相交爭。忽于

夏月多寒之化。寒邪犯心。水火相戰。所以先發寒熱。水火

相犯血變于中。所以下赤痢。其說穿鑿不經。學者不必信之。如紫草色如
莧菜色者。寒邪犯心之重也。白色尙輕。赤色尙重。赤白相
雜者。氣血相等。寒熱之氣相搏也。一片不經之談。治諸症之法。必
奪其寒。已後隨症調理。既曰寒邪犯心。則當溫中散寒。表
乃立萬全護命方。中用麻黃細辛
諸發散藥。豈外邪可犯。君主而當表散耶。卽有表症。古人
自有敗毒柴胡等湯。可以對症加減。何故設此無律之師
而加之美名乎。隨症調理二方。
更大疵謬。詳辨下卷疫痢門。